


西夏紀事

上海歸葉山房  
石印

9254  
51188  
3.

卷之四



西夏紀事本末

三十六卷

光緒乙酉  
刻千金陵

西夏紀事本末卅六卷烏程張春治先生之所纂也昔洪氏亮吉有西夏國志世罕傳本今先生是書亦闡而不章其何以光盛業昭來許蒙得見遺文滋惜愛焉歲在旃蒙作噩乃屬剖氏俾有傳本客有諗于予曰西夏一隅僻陋在戎無與興衰治亂之故繇歷五代逮宋遼金數服數叛不衷于一撰述之旨又何取焉嗟乎是說也是丹非素洞表遺裏所謂知二五而不知一十也夫唐季不綱移于藩鎮鴟張魚爛所在而有大者兼數圻連列郡小亦一成一旅爲國蝨賊楚子觀兵因而問鼎晉侯勤王終以請隧其甚者夜郎自大帝號竊娛趙佗越長張黃屋以居尊劉淵晉俘下青衣而肆虐西夏自殄逆巢用光王室李從曦之守岐隴置土本寬高允韜之鎮鄜延甲兵亦盛而奉正朔斥僞命終唐之世未嘗卷甲西來稱戈東向其當紀者一也十國鼎峙非中夏有瓜剖豆分改



元者七永叔列之世家任臣編之別史雖閩之殘賊南漢之荒淫  
亦幾幾塵彼竹素垢我宸筆而一繼體之長一通使之介有舉必  
書無徵不信求之柱下載同闕文之史采之輶次刪異逸詩之篇  
西夏擁地方二萬里繇祚垂四百祀比之知祥在蜀而得國自正  
具美在越而傳世彌遠而記載闕如來者何徵其當紀者二也平  
夏峩峩天之西極河出蒲類山鎮蔥嶺方夏之盛奄有二十二州  
興靈二渠實沃饒之神皋伊涼一曲亦形勝之天府自淪荒朝邈  
若異域凡三受降城五都護府弦望孤離矩步偃錯其建置之沿  
革開拓之廣陞中土人士罕能識之譬之休文之志州郡北治皆  
僞道元之注水經南流或紊今疆戎索于瓜州宏漢京于天水氏  
落羌落別其部居之殊河南河西稽其幅隕之大上以正樂史太  
平之記下以補王存元豐之志其當紀者三也李唐旣喪趙宋甫

興頌印百年之間四維不張三綱攸斃制度榛莽禮樂灰燼故一行之傳六臣之書一則繫名節于一髮一則藉廉恥爲芻狗馮道舊德敘言張其長樂陶穀名士禪詔出于宿成雖習尙之媿薄亦學校之隤弛西夏介在西陲儒術是尙帝我孔子爲世權輿養賢務孝漢武博士之員陳經立紀文翁石室之教且法文物于西京潤辭命于東里鼓吹厲世得六義風刺之遺辨算稽疑衍五卜貞悔之忒禮失而求諸野西夏有焉其當紀者四也元昊結髮用兵凡二十年無能折其强者雖以韓范之壯猶狄种之武略亦未拔其一舍收其一乘至是厥後兵制益詳兩鈔在外合一人爲雜役六班在內分三番爲宿衛撥喜立于左廂撞令居于前幕篝火測候決兵交之善敗擊弦審聲識敵至之疏密故耶律焱舉完顏電發皆與連橫莫爲控制若其有釁且以乘之彼王都之貪上谷結

構契丹李賓之恹朔方依憑党項以斯方之曾不足喻其當紀者  
五也凡此五者洵南董之別子班范之支流復何疑于客所云云  
乎先生是書網羅舊聞薈粹羣說端委詳明同袁機仲之作義例  
精密過章茂深之編文質一貫不蹈于空疏褻貶得中不鄰于僭  
妄此則知幾通識末由吹索毛癢季緒軼才不復倚撫利病者矣  
幕士蔣君孱守寫本合肥譚尹力任校讐於是舊學之劬書乙庫  
之隊簡足以亟輝藝林厠聲筆削僕肄業及之撮其大凡綴諸末  
簡以釋客難並眎後賢有司掌錄願埒五代纂誤之餘竝世編摩  
竊比三史拾遺之末云爾

賜進士及第

經筵講官禮部左侍郎

南書房翰林安徽督學

使者嘉定徐郃敘



西夏紀事本末目

卷首上

年表

卷首下

西夏堡寨

附圖

歷代疆理節略

職方表

卷一

得姓始末

卷二

夏臺復入

卷三

統萬墮城

卷四

烏白失期

卷五

靈州失陷

卷六

六谷殲渠

卷七

西平就撫

卷八

青堂構怨

卷九

華州二憾

卷十

元昊僭逆

卷十一

三州之衄

卷十二

龍圖招諭

卷十三

好水之敗

卷十四

渭川之變

卷十五

二廂被聞

卷十六

曩霄受款

卷十七

甯令弒逆

卷十八

南壁債軍

卷十九

蕭惠再敗

卷二十

諒祚淫狡

卷二十一

大順受創

卷二十二

梁氏擅政

卷二十三

緩城易砦

卷二十四

五道西征

卷二十五

永樂失事

卷二十六

四砦之還

卷二十七

平夏初城



卷二十八

契丹婚媾

卷二十九

遼人救援

卷三十

二蔡構釁

卷三十一

橫山進築

卷三十二

武朔來歸

卷三十三

世輔南還

卷三十四

得敬亂邦

卷三十五

安全廢立

卷三十六

夾攻覆亡

西夏紀事本末卷十

烏程張鑑春治甫著

元昊僭逆

西平王趙德明凡娶三姓衛慕氏生元昊咩迷氏生成遇訛藏屈懷氏生成嵬元昊小名嵬理羌語謂惜爲嵬富貴爲理性凶鷙猜忍然大略善繪事能創制物始圓面高準長五尺餘曉浮屠學通蕃漢文字案上置法律書嘗攜野戰歌太一金鑑訣旣長忽引兵襲夜洛隔其可汗自焚乃俘其妻孥以歸遂奪甘州自是益喜戰時天聖六年也德明雖臣事中國及契丹然于本國則稱帝祥符中已嘗追尊其父繼遷爲太祖應運法天神智仁聖至道廣德光孝皇帝廟號武宗旣以元昊襲破回鶻遂立爲皇太子太子數諫德明無臣中國德明輒戒之曰吾用兵久終無益徒自疲耳吾

族三十年不被皮毛而衣錦綺之衣此宋恩也不可負元昊曰衣皮毛事畜牧蕃性所便英雄之生當霸王耳何錦綺爲德明又嘗以馬博易于中國怒其人息微欲殺之時元昊方十餘歲諫曰以馬資鄰國已失計矣今更以貨殺邊人則誰肯爲我用乎曹瑋在定武聞其言曰此子欲用其人矣是必有異志異日德明死此子爲邊患必矣後直王巖知河南府瑋以爲言至是果驗元昊旣陷甘州復舉兵攻拔西涼府

天聖七年劉平授忻州團練使屢上封事言趙元昊連姻耶律必爲邊患授邠寧環慶副總管遣中人就賜黃金一器

明道元年冬十一月德明薨延州以聞詔輟朝三日命度支員外郎朱昌符爲祭奠使賻絹甚厚帝與皇太后爲德明成服苑中百官奉慰癸巳以元昊爲檢校太師兼侍中定難軍節度使西平王